

# 上清大洞真经卷之五

- [太一上元禁君道经第二十五](#)
- [元灵黄房真晨君道经第二十六](#)
- [太极主四真人元君道经第二十七](#)
- [四斗中真七晨散华君道经第二十八](#)
- [晨中皇景元君道经第二十九](#)
- [金阙后圣太平李真天帝上景君道经第三十](#)
- [太虚后圣元景彭室真君道经第三十一](#)
- [太玄都九炁丈人主仙君道经第三十二](#)
- [洞清八景九玄老君道经第三十三](#)
- [东华方诸宫高晨师玉保王青童君道经第三十四](#)

# 太一上元禁君道经第二十五

“太一上元禁君道经第二十五

上清大洞真经卷之五

茅山上清三十八代宗师蒋宗瑛校勘

日中司命章

谨请日中司命接生君，字道灵，常守兆左手通真之户死炁之门，使四大正明，玉华保真，魔炁灭绝，生神固灵，七祖解脱，魂魄更生。

真思日中司命接生君真炁，三华之色，罩于顶上，乃默呪曰：

四大乘天，天元来归，三华吐曜，司命景飞，为我招仙，七祖散闲，上登太虚，日月同晖。



次思三华之炁从兆泥丸中入，兆乃口吸神云，咽津三过，结作一神，状如太阳星，手执太阳，下入绛宫，入左膀胱，入玉茎中，入尾闾穴，上入第一椎，穿泥丸，入<sup>1</sup>左目，颊腮内，入肩，入臂髓内，过入左手通真之户，顺时吐息。

诵玉经。

大洞玉经曰

太一上元，五神安城，七转洞经三徊真符，摄鬼命灵，五岳真人，奉符执经，除落死籍，刻金金阁书生，大帝有教，营卫紫房，九真备守，五老保关，三官司命，促对帝言，七世绝灾，玄叶无<sup>憊</sup>，种福空同，散结甃根。

高上消魔玉清王祝曰

太一务猷，传召北司，玄一老子，握节往来，元素无英把符，白元洞阳守雌，焕然晨光明，披霞升帝墉，列坐震灵席，混合五日房，白炁胞神育上生，青君胎神案延昌，左携精上门结神，右抱合和婴节神，我生日月华，友宾赤炁王日神，八景照泥丸，朗然洞房眉间入三寸中，婴儿为赤子上一赤子，混离血神生玉容，五道秀金华，位为上清公仙位，七祖断玄滞，身得乘神风，徘徊三清上，和乐反婴童。

毕，乃口微祝曰：


天上内音，丹明昌，左帝根。

地上外音，无常子，得大明，

将军梁。

大洞日中司命接生君消魔玉符

诀曰：当朱书青缯，佩之，存呼司命内讳名字，镇我左手之户。乃叩齿三通，咽液三过。



❶ 1.“入”字原缺，据后文补。

# 元灵黄房真晨君道经第二十六

“元灵黄房真晨君道经第二十六

上清大洞真经卷之五

茅山上清三十八代宗师蒋宗瑛校勘

月中桃君章

谨请月中桃君名方盈，字运梁，常守兆右手通真之户死炁之门，使兆四运通明，三神固精，保镇万炁，与神长宁。

真思月中桃君方盈真炁，月晖之色，罩于顶上，乃默呪曰：

元灵黄房内，月君号方盈，左宴朱岭台，右携仙皇庭，寝景三秀房，结我始生神，同飞入玄玄，七祖反华婴。



次思月晖之炁从兆泥丸中入，兆乃口吸神云，咽津三过，结作一神，状如太阴星，手执太阴，下布绛官，入右膀胱，入玉茎中，入尾闾穴，上入第一椎，穿泥丸，入右目，颊腮内，入肩，入臂髓内，过入右手通真之户，顺时吐息。

诵玉经。

大洞玉经曰

元灵黄房乳中内，中有黄宁童命门神，左有坚玉君骨神，右有帝昌皇脑骨神，浮清翳晨炁，蔚蔚虚灵容，青肝明轮子肝神，开朗彻八牖，太一畴丘兰斗中文女，奉符入玉宫，拔我七世罪，回元期五通，混合帝一室，五老变孩蒙。

太上晨景玉清王祝曰

九元镇真，五老缠绵，日月中王，与兆为亲，太混三五，离落魄魄，百节金映，玉液回神，五府生华，白炁运烟，充溢三清，紫房宝津，上开仙户，下塞死门，令我羽籍，玉帝之前，七祖父母，反生南轩，虎服摄魔，龙旌命神，太一锦旄，招束三官，除灭死籍，刊名玉真天帝号，保生太上，日月同年。


毕，乃口微祝曰：

天上内音，变世炁，三道迁。

地上外音，理命非，幸连劫。

太洞月中桃君方盈消魔玉符

诀曰：当朱书青缙，佩之，存呼桃君内讳名字，镇我右手通真之户。乃叩齿三通，咽液三过。



# 太极主四真人元君道经第二十七

“太极主四真人元君道经第二十七

上清大洞真经卷之五

茅山上清三十八代宗师蒋宗瑛校勘

左目童子章

谨请左目童子，名飞灵，字阳光，常守兆左目死炁之门，使兆阳生于内，清洁于外，二炁交通，四朗八会，彻见无方，万神自泰。

真思左目童子飞灵真炁，日华之色，罩于顶上，乃默呪曰：

四极太灵，元君精瑛，日华充溢，童明流光，二景相照，通我明梁，三丹启真，我道开张，翠羽罗裙，飞上玉京。



次思日之华光从兆泥丸中入，兆乃口吸神云，咽津三过，结作一神，状如太阳星，手执日光，下布绛官，穿玉茎中，入尾闾穴，入脊髓，上入第一椎，穿泥丸，入左瞳人内，摇睛七过，不得动右睛，顺时吐息。

诵玉经。

大洞玉经曰

太极主四真，凌羽逸上清，七转召司命，太一扬威明，司录促诣位，三举登震灵方丈符，魔王来受事，仙官束鬼精，日中青帝母，号曰芬艳婴，太张黄素上五符，安来紫素上玉名，混化六合内，洞房列火兵，去兆死籍，名迁玉门东华，帝一保身，五老卫神，上登太明天国，金轮霄玄。

太上高晨玉清王祝曰

我乘混合炁，缠固九真丘，养光脾神太昌子，骈罗凝羽珠，九尊众帝生九帝子，洞景徊须臾，七祖结解散，秽积忽已除，世生福昌，玄玄获仙书，身升太霞宫，控龙宴玉虚，上朝上清皇，寝兴幸正扶斗中内妃。


毕，乃口微祝曰：

天上内音，登来张，乘法谟。

地上外音，灵寿台，宜生人。

大洞左目童子飞灵消魔玉符

诀曰：当朱书黄缙，佩之，存呼童子内讳名字，镇我左目之瞳。乃叩齿七通，咽液七过。



# 四斗中真七晨散华君道经第二十八

“四斗中真七晨散华君道经第二十八  
上清大洞真经卷之五

茅山上清三十八代宗师蒋宗瑛校勘

右目童子章

谨请右目童子，名晨婴，字阴精，常守兆右目死炁之门，使阴映内朗，阳观外明，三晨同焕，彻见玉清。

真思右目童子晨婴真炁，月华之色，罩于顶上，乃默呪曰：

七晨飞华，华散三光，混合成真，上招月魂，为我降灵，启我仙门，七祖同飞，上朝帝君。



次思月之华光从兆泥丸中入，兆乃口吸神云，咽津三过，结作一神，状如太阴星，手执月光，下布绛官，穿玉茎中，入尾闾穴，入脊髓，上入第一椎，穿泥丸，过入右瞳人内，摇睛七过，不得动左睛，顺时吐息。

诵玉经。

大洞玉经曰

斗中四斗四真人，散华玉清台，帝卿仲玄生天帝之佐，一徊众真来，香风扇三宝，五藏映青夷官名，天帝奏仙，拔擢七玄，种死成树，沉绝胞根，太一挥风，号曰寄频太一字，断绝血秽，斩伐注烟，白帝西华白帝字，为我北神。

高上神霄玉清王祝曰

三素牢张上，老君神生道三素字，固我魄逸游，保兆六合脑，忧苦没曲门，死炁闭地下，身与帝一君，并襟乐六府，鑑心丹玄房，熙炁泥丸野，体耀金晖，羽篆召真，白炁重郁，百神光鲜，长与日月，符籍缠绵，世保道德，永为天仙，寂寂内注，遂升帝晨。

毕，乃口微祝曰




天上内音，鲜曲玄，镜重车。

地上外音，长济乐，脱忧苦。

大洞右目童子晨婴消魔玉符

诀曰：当青书黄缙，佩之，存呼童子内讳名字，镇我右目之瞳。乃叩齿三通，次咽液三过。



# 晨中皇景元君道经第二十九

“晨中皇景元君道经第二十九

上清大洞真经卷之五

茅山上清三十八代宗师蒋宗瑛校勘

肺部童子章

谨请肺部童子名素明。字无映，常守兆肺部之下，五关死炁之门，使玄晖充彻，华盖上精，神室有光，五关太明，万魔不入，百神受灵。

真思肺部童子素明真炁，五关辉光，罩于顶上，乃默呪曰：

童子素明，黄云九缠，沧台飞轮，三神协真，号曰玄上景，列位高王宾，总摄命百神，携我入紫烟。



次思晖光从兆泥丸中入，兆乃口吸神云，咽津五过，结作五神，状如孩童，下布五藏，上充华盖，入鼻凹，五色神云分入两目，左三右二，摇睛九过，顺时吐息。

诵玉经。

大洞玉经曰

晨中黄景炁，三秀山名登霄庭，沧台飞羽轮，迎延符名道已成，司命奉帝书，号为玄度卿司命字，保生太霞宫，列宾馆上清，命门合精延，守我身黄宁，左携元素君，右摄朱郁灵。

高上消魔玉清王祝曰

二老在左右方，帝魂不可不分，三九变其上下，太一立其中根，五神奉我生籍，司命塞我死门，九宫合而为一，六合总而内真，世获仙书，福庆缠绵，五老对席，日月为亲，太一来迎，上升帝晨，七祖滞血，皆为拔根，反胎南宫，受生帝轩，兆宴玉堂，同襟帝轮，世列图，羽服扬旛，子子保昌，庆及后玄，长为仙伯，役使万神。


毕，乃口微祝曰

天上内音，总命本，登龙津。

地上外音，玄劫会，万履阿。

大洞肺中童子素明消魔玉符

诀曰：当朱书黄缙，佩之，存呼童子内讳名字，镇我肺部之户，神安室府，魔炁灭丧。乃叩齿三通，次咽液三过。



# 金阙后圣太平李真天帝上景君道经第三十

“金阙后圣太平李真天帝上景君道经第三十

上清大洞真经卷之五

茅山上清三十八代宗师蒋宗瑛校勘

胎中白炁君章

谨请胎中一元白炁君务玄子，字育上生；太一精魂玄归子，字盛昌，共守兆五藏之上，结喉本户死炁之门，使三华之炁，入帝一之府，九明之津，生六胎之下，九玄散炁，七祖解结，身登玉堂，位列太一。

真思胎中一元白炁君务玄子、太一精魂玄归子真炁，三华之色，罩于顶上乃默呪曰：

金阙焕玉清，白炁映丹霞，明光郁金灵，五色吐三华，流津宴寝堂，结我始生芽，五符召百神，威章征万魔，保此亿劫仙，道明无凶邪。



次思三华之炁从兆泥丸中入，兆乃口吸神云，咽津三过，结作三神，白炁君白袞冕，二神侍立，下布结喉之本户，顺时吐息。

诵玉经。

大洞玉经曰

金阙上景炁，十方辉紫烟，三命太一帝，五召太平神外神，七转招岳真，玉符告三官，拔籍三灵下三官府，受生高上晨，太帝八灵王阳堂玉宇，一化回庆玄，桃君守六合，勒精帝卿字卫泥丸，震灵符名摄魔，三举符名登坛，所召促到，混离对陈，无令上帝，告察凶奸。

太上消魔玉清王祝曰

天生八炁，回合帝乡，五神奉符，司命扶将，拔断死籍，盪秽幽冥，七世解结，延福玉庭，血积沉没，三素黄紫白焕清，兆升天堂，与帝合灵，世得仙契，所感必成，种年日中，植命月庭，反胎童蒙，目为孩婴，生与天同，寿与日并。


毕，乃口微祝曰

天上内音，晖延勒，得日贤。

地上外音，籍会元，帝符子。

大洞胎中一元白炁君消魔玉符

诀曰：当朱书黄缯，佩之，存呼白炁君内讳名字，镇我五藏之上，七祖解释，消结灭罪。乃叩齿三通，次咽液二过。



# 太虚后圣元景彭室真君道经第三十一

“太虚后圣元景彭室真君道经第三十一

上清大洞真经卷之五

茅山上清三十八代宗师蒋宗瑛校勘

结中青炁君章

谨请结中青炁君案延昌，字合和婴；元君精魂保谷童，字明夫，共守兆五藏之下，大胃上口死炁之门，使金液流布，玉华映魂，神飴溢于穷肠，帝炁充于九关，释七祖于玄幽，更受胎于南仙，上叶解结，下胞脱根。

真思结中青炁君案延昌、元君精魂保谷童真炁，玉华之色，罩于顶上，乃默呪曰：

离合九灵，二真幽密，太虚重天，上携太一，雌雄混合，同仙妙室，上变九仙，下解胞结，七祖庆忻，五苦解脱，使我飞腾，灵化本质。



次思玉华从兆泥丸中入，兆乃口吸神云，咽津三过，结作三神，一神青衣，二神侍立，下布五藏之下，大胃上口，顺时吐息。

诵玉经。

大洞玉经曰

太虚空无景山名，霞中有彭室帝君室，九云合重扉，帝君静幽密，八真下关神合景君，上携女太乙斗中妃，雌雄混玉房，九变还得七，分形散六合，泥丸易分别，脾神养光，肺神梁南，书我五符，刊玉刻金，生华日茂，死炁月沉，拔尸于胃，受真于心，甞害冥散，七祖乐钦。

高上神霄玉清王祝曰

种福九天外，拔尸地门下，七玄解滞积，断树除忧苦，反胎朱火宫，更生九玄户，真炁日日臻，甞害日日除，兆升三清堂，乘飴上景庭，命与月母俱，年随日帝生，累世保仙籍，回老更童婴，福升六合内，受图永长生。

毕，乃口微祝曰

天上内音，乘元轮，入幽宗。

地上外音，祸车灭，养无景。

大洞结中青炁君消魔玉符

诀曰：当朱书赤缙，佩之，存呼青炁君内讳名字，镇我五藏之下，使玉华映魂，七祖受生南仙。乃叩齿三通，次咽液二过。



# 太玄都九炁丈人主仙君道经第三十二

“太玄都九炁丈人主仙君道经第三十二

上清大洞真经卷之五

茅山上清三十八代宗师蒋宗瑛校勘

## 节中黑炁君章

谨请节中黑炁君斌来生，字精上门；帝真精魂幽台生，字观上生，共守兆九肠之口，伏梁之下户死炁之门，使太玄之炁布散肠内，太一之神徊行百节，令兆体有金光，面有玉泽，七祖父母，得解冥罪，累叶之先，世世解结，上生帝房，入保髓室。

真思节中黑炁君斌来生、帝真精魂幽台生真炁，玉光之色，罩于顶上，乃默呪曰：

太玄何寥寥，黑炁生上灵，帝真洞明景，九炁合神庐，变化咄嗟顷，倏忽肇明初，万真炼我仙，百关自靖居，七玄断胞胎，九曾登福墟，上招景中子，与我登云舆。



次思玉光从兆泥丸中入，兆乃口吸神云，咽津二过，结作二神，黑袞冕，下布九肠之口，伏梁之下户，顺时吐息。

诵玉经。

## 大洞玉经曰

太玄九炁上，烟回太晖间，神光秀空峰山名，五道焕三天，驾景登绝霄，乘风荡滞神，中一日运珠心神，理心入清闲，混合三五宫，累变亿万千，伐绝胞胎生，四断血尸根，七祖散积结，反华黑幽玄。

## 高上神霄玉清王祝曰

帝魂照无阿帝魂名，常镇兆生门，伏尸灭落，保魄宁魂，玄母回光阴神，奉帝玉仙，右命太一，乃及兆身，北宴上清，列为玉宾，命生日华，年合月烟，长跻金房，晨景为邻，除忧伏胃门，拔苦三途中，福积丹玄玉女赤子内，庆充泥丸房，百神混帝一，大庆流回风，反兆朽艾形，改貌为婴童，世世入仙台，玄玄登羽宫，大劫虽屡倾，与日方增崇。




毕，乃口微祝曰：

天上内音，无阿累，奉神冲。

地上外音，见玉宾，拔恋涂。

### 大洞节中黑炁君消魔玉符

诀曰：当黑书青缙，佩之，存呼黑炁君内讳名字，镇我九肠之口，使太上之炁充散九府，太一真神回行关户，玉光生体，保生玄母，七玄受庆，反形幽腐。乃叩齿五通，次咽液五过。



# 洞清八景九玄宗老君道经第三十三

“洞清八景九玄宗老君道经第三十三

上清大洞真经卷之五

茅山上清三十八代宗师蒋宗瑛校勘

胞中黄炁君章

谨请胞中黄炁君祖明车，字神无极；天帝精魂理维藏，字法运珠，共守兆小腹之内，二孔之本户死炁之门，使日月之根生于二户之下，五帝之炁充于极阴之宫，精华盈满，玉液填溢，七世之父母反胎，宿对之殃魂解结，上生南宫，神仙受炁。

真思胎中黄炁君祖明车、天帝精魂理维藏真炁，黄云之色，罩于顶上，乃默呪曰：

上清曜玄台，八景乘天纪，黄炁协神真，精魂对帝子，太一度命籍，五符固不死，携仙带晨晖，徊风反形始，拔苦出七祖，同欢九玄裹。



次思黄云从兆泥丸中入，兆乃口吸神云，咽津二过，结作二神，黄袞冕，下布小腹之内二孔之本，顺时吐息。

诵玉经。

大洞玉经曰

上清绝霞外，八皇八老君运九天九宫，幽寥生重冥空字帝子上归字，携此景中人向制，晨登太老寝太老寝室，夕宴金华山名便，羽节命太一，锦旗招万神，坚我六府胎，伐灭胞树根，解结生七祖，散旤宁九玄，赤帝丹灵峙日帝，扶兆入玉门，月母灵素兰，守闭死炁门。

太上清魔玉清王祝曰

白云合神景，乘素会太微，上朝帝一室，解带皇一阶太一之上，启明白素君金门脐中，三阳真男召上归魄女，升我身内神，覆盖太明威，太宝九华，光映兆形，招云混真，散香要灵，月中反胎，日中受生，年停曜景，命遂无倾，身为仙王，保此玉清，世受真书，玄华玉庭。

毕，乃口微祝曰：

天上内音，映遂劫，度连绝。

地上外音，济寒热，得全炁。

大洞胞中黄炁君消魔玉符

诀曰：当黄书白绹，佩之，存呼黄炁君内讳名字，镇我小腹之内，二孔之本，七玄之祖，上升帝室。乃叩齿三通，咽液三过。



# 东华方诸宫高晨师玉保王青童君道经第三十四

“ 东华方诸宫高晨师玉保王青童君道经第三十四

上清大洞真经卷之五


茅山上清三十八代宗师蒋宗瑛校勘

血中赤炁君章

谨请血中赤炁君混离子，字叔宝坚；司命精魂发纽子，字庆玄，共守兆百关之穴，绝节之下死炁之门，使五帝之液盈于六府，九灵之润充于血肉，绝节不空，地门填塞，七祖结散，更生南极，兆得玉仙，合道保德。

真思血中赤炁君混离子、司命精魂发纽子真炁，赤云之色，罩于顶上，乃默呪曰：

晨景焕东霞，丹景映高清，二真协神宗，落落七华生，五老飞帝席，太一保童婴，锦云曜幽夜，朗朗开重冥，七祖勒符籍，南极受胎灵，高晨盼云舆，运我升飞輶，拔解亿世基，同欢万劫程。



次思赤云从兆泥丸中入，兆乃口吸神云，咽津七过，结作七神，下入绛宫。六神状如力士，分左右各三，下布两脚绝骨之户；一神状如赤帝，下入尾闾穴，上穿泥丸，充入发际之户，顺时吐息。

诵玉经。

大洞玉经曰

东华青宫发始晖，高晨青童君映上清，焕洞圆珠蔚日名，朗朗紫曜明，七神回帝席，五老飞玉輶，太一景中立，司命摄万精，汎然云波间，寂盼泥丸城，七转召三官，北君冥官启首灵，五岳应炁到，拔死书长生，三举震丈符，玄解大魔精，七祖散血结，玄华保黄宁。

高上消魔玉清王祝曰

五道混回，七门白帝门始分，南和赤帝建节，白帝彰安，灵标肺神理魄，会昌护神，奉符登霄，寝息玉轩，定录琼礼，世为天仙，三涂塞绝，除伐胞根，死炁沉零，祸轮无连，福臻重枝，庆会华玄，名书玉堂内，世为道德门。

毕，乃口微祝曰：

天上内音，观轩寝，明宾郁。

地上外音，三生连，虚无中。

大洞血中赤炁君消魔玉符

诀曰：当朱书黄缙，佩之，存呼赤炁君内讳名字，镇我百关之穴，使灵液盈充，玉泽流溢，死炁断绝，神固孔节，七祖各散，宿根咸灭。乃叩齿三通，次咽液三过。

